

騰郎答反
二同

四分律藏卷第十三

睦三

姚秦三藏佛陀耶會恭茲佛念譯

四分律藏初分

尔時佛在舍衛國祇樹給孤獨園時尊者難陀為眾僧所差教授比丘尼教授比丘尼已默然而住尔時大愛道語言尊者難陀我等

欲得聞法願更與我等說尔時尊者難陀與說法已默然而住大愛道復重請言我等欲得聞法願與我等說時尊者難陀好音聲為說法聽者樂聞遂至日暮時比丘尼出祇桓精舍往舍衛城城門已閉不得入門便即依門外城墜中宿晨旦門開在前入城時諸長

者見已皆言沙門釋子無有慙耻無清淨行自稱言我修正法如有何正法汝等皆觀此比丘尼竟夜與比丘共宿晝便放還諸比丘聞眾中有少欲知足行頭陀樂學戒知慙愧者嫌責言云何難陀與比丘尼說戒乃至日暮使諸長者嫌責耶諸比丘往世尊所頭面禮足在一面坐以此因緣具白世尊世尊尔時以此因緣集比丘僧知而故問尊者難陀汝實與比丘尼教授至日暮耶答曰實尔尔時世尊以無數方便呵責難陀言汝所為非非威儀非沙門法非淨行非隨順行所不應為云何難陀與比丘尼說法教授乃至日暮耶呵責已告諸比丘此難陀癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘為僧差教授比丘尼乃至日暮者彼逸提比丘義如上僧者一教授一羯磨教授者眾僧中差白二羯磨彼比丘眾僧所差教授

比丘尼應乃至日未暮當還若比丘教授比丘尼乃至日暮者波逸提除教授若受經若誦經若問若以餘事乃至日暮突吉羅除比丘尼已若為餘婦女誦經若受經若問若以餘事至日暮突吉羅若日暮日暮想波逸提日暮疑突吉羅日暮不日暮想突吉羅不日

暮日暮想突吉羅不日暮疑突吉羅比丘尼突吉羅式又摩那沙弥沙弥尼突吉羅是謂為犯不犯者教授比丘尼日未暮便休除婦女已若為餘人教誦經受經若問若以餘事不犯若船濟處說法比丘尼聽共與賈客共行夜說法若至比丘尼寺中說法若說戒日

睦三

二

來在眾中請教授人值說法便聽無犯無犯者最初未制戒癡狂心亂痛惱所纏二竟十尔時佛在舍衛國祇樹給孤獨園時彼比丘尼聞教授師來半由旬迎安處房舍辦粥若飲食牀座具洗浴處尔時六群比丘作是念彼諸比丘不羞我等教授比丘尼生嫉妬心

彼諸比丘教授比丘尼無有真實但為飲食故教授比丘尼誦經受經若問時諸比丘聞其中有少欲知足行頭陀樂學戒知慙愧者嫌責六群比丘云何作如是語諸比丘不羞我等教授比丘尼便生嫉妬心彼諸比丘教授比丘尼無有真實但為飲食故教授比丘

尼若誦經受經若問諸比丘往世尊所頭面禮足已在一面坐以此因緣具白世尊世尊尔時集比丘僧呵責六群比丘言汝所為非非威儀非沙門法非淨行非隨順行所不應為云何六群比丘乃作是言彼諸比丘不羞我等教授比丘尼便生嫉妬心彼諸比丘教

授比丘尼無有真實但為飲食故教授比丘尼若誦經受經若問世尊以無數方便呵責六群比丘已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘語諸比丘作如是語比丘為飲食故教授比

睦三

三

丘尼者波逸提比丘義如上彼比丘作是言
 諸比丘為飲食故教授比丘尼為飲食故教
 誦經受經若問說而了了者波逸提不了了
 者突吉羅比丘尼突吉羅式叉摩那沙弥沙
 弥尼突吉羅是謂為犯不犯者其事實尔為
 飲食供養故教授比丘尼為飲食故教誦經

受經若問若戲笑語獨處語夢中語欲說此
 乃錯說彼無犯無犯者最初未制戒癡狂心

亂痛惱所纏三二竟

尔時佛在舍衛國祇樹給孤獨園尔時舍衛
 城中有一乞食比丘威儀具足時有比丘尼
 見便生善心數請彼比丘比丘不受後於異

時祇桓眾僧分衣物此比丘持衣分出祇桓
 門彼比丘尼方來入祇桓彼比丘念言此比
 丘尼數數請我而我不受我今寧可持此衣
 分用請彼彼必不取足以相遺時此比丘語
 比丘尼言大妹此衣是我分須者可取時比
 丘尼輒便受之此比丘嫌責比丘尼數數向

人說言彼比丘尼數數請我以鉢中遺餘與
 我而我不取作如是念彼比丘尼數數請我
 以鉢中遺餘與我而我不取我今寧可持此
 衣分與彼比丘尼彼必不受足以相遺而彼
 便受之尔時諸比丘聞其中有少欲知足行
 頭陀樂學戒知慙愧者嫌責彼比丘言云何

比丘與比丘尼衣不捨而請他耶諸比丘往
 世尊所頭面禮足在一面坐以此因緣具白
 世尊世尊尔時集比丘僧呵責彼比丘汝所
 為非非威儀非沙門法非淨行非隨順行所
 不應為云何比丘與比丘尼衣不捨而請他
 以無數方便呵責彼比丘已告諸比丘此癡

人多種有漏處最初犯戒自今已去與比丘
 結戒集十句義乃至正法久住欲說戒者當
 如是說若比丘與比丘尼衣波夜提如是世
 尊與比丘結戒其中有比丘畏慎不敢與親
 里比丘尼衣白佛佛言自今已去聽與親里
 比丘尼衣若與非親里比丘尼衣者波逸提

三

四

如是世尊與比丘結戒。爾時祇桓中二部僧
共分衣物。比丘衣分比丘尼得。比丘尼衣分
比丘得。時比丘尼所得衣持來詣僧伽藍中。
白諸比丘大德。持此衣共賀易耶。比丘荅言。
諸妹。我曹不得與非親里比丘尼衣。爾時諸
比丘白佛。佛言。自今已去。若賀易聽與非親
里比丘尼衣。自今已去。當如是說。戒若比丘
與非親里比丘尼衣。除賀易波逸提比丘。義
如上說。非親里者亦如上說。親里者亦如上
衣者有十種。如上說。賀易者以衣易衣。以衣
易非衣。以非衣易衣。鍼針刀若縷線。下至藥
草一片。若比丘與非親里比丘尼衣。除賀易
波逸提比丘。尼突吉羅。式叉摩那。沙彌。沙彌
尼。突吉羅。是謂為犯無犯者。與親里衣。共相
賀易。與塔與佛。與僧無犯無犯者。最初未制
戒。癡狂心亂。痛惱所纏。四十一
爾時佛在舍衛國祇樹給孤獨園。爾時有比
丘尼欲作僧伽梨以作衣。故來至僧伽藍中。

語尊者迦留陀夷大德。我持此衣。裁欲作僧
伽梨。願尊者與我作迦留陀夷報言。我不能
作問言。何故不與我作報言。汝等喜數來相
催促。故不能作比丘尼報言。我不數來相催
隨作。竟與我迦留陀夷報言。可。爾時比丘尼
授衣與之而去。迦留陀夷善知作衣法。即與
裁之作。男男女女行婬欲。時比丘尼來至僧伽
藍中。問迦留陀夷言。大德。為我成衣未耶。荅
言。衣已成。比丘尼言。衣若成者。今可見與。時
迦留陀夷即褻衣授與之。語言。大妹。當知此
衣不得妄解。披看亦莫示人。若白時到。當著
此衣。在比丘尼僧後行時。比丘尼如其教。亦
不披衣看。復不語人。知後於異時。白時到。即
著此衣。在比丘尼僧後行。諸居士見。皆譏笑
或拍手相向。或打木。或嘯。或高聲大笑。言。汝
等看此比丘尼所著衣。汝等看此比丘尼所
著衣。時摩訶波闍波提比丘尼見已。語此比
丘尼言。大妹。速脫褻此衣。即便褻之。著肩。上

時摩訶波闍波提比丘尼食後還僧伽藍中語彼比丘尼言取汝向者衣來我欲看之即持出示之間言誰與汝作此衣報言是迦留陀夷作語言何不披看持示同學耶縫割好不牢不時比丘尼以迦留陀夷所勅事具向說之時比丘尼眾中有少欲知足行頭陀樂學戒知慙愧者嫌責迦留陀夷云何與比丘尼乃作如是衣尔時比丘尼白諸比丘諸比丘往白世尊世尊以此因緣集比丘僧知而故問迦留陀夷言汝實與比丘尼作如是衣耶荅言實尔世尊以無數方便呵責迦留陀夷言汝所為非非威儀非沙門法非淨行非隨順行所不應為云何乃與比丘尼作如是衣耶呵責迦留陀夷已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘與比丘尼作衣者波逸提如是世尊與比丘結戒時諸比丘畏慎不敢與親里

比丘尼作衣往白佛佛言自今已去聽比丘與親里比丘尼作衣自今已去當如是說戒若比丘與非親里比丘尼作衣者波逸提比丘義如上說非親里者如上衣者有十種亦如上若彼比丘與非親里比丘尼作衣隨刀截多少波逸提隨一縫一鍼亦波逸提

三 若復披看牽挽熨治以手摩捫若捉角頭挽方正安帖若緣若索線若續線一切突吉羅比丘尼突吉羅式又摩那沙弥沙弥尼突吉羅是謂為犯不犯者與親里比丘尼作與僧作若為塔若借著浣染治還主無犯無犯者最初未制戒癡狂心亂痛惱所纏

五 尔時世尊在舍衛國祇樹給孤獨園尔時尊者迦留陀夷顏貌端正偷蘭難陀比丘尼亦復顏貌端正與人有異迦留陀夷有欲意於偷蘭難陀比丘尼偷蘭難陀比丘尼亦有欲意於迦留陀夷尔時迦留陀夷清旦著衣持鉢往至偷蘭難陀所在門外共一處坐時諸

居士見已皆共嫌之各自相謂言汝等觀此二人共坐猶如夫婦亦如鴛鴦尔時諸比丘聞其中有少欲知足行頭陀樂學戒知慙愧者嫌責迦留陀夷云何與偷蘭難陀比丘尼在門外共一處坐耶尔時諸比丘往世尊所頭面禮足在一面坐以此因緣具白世尊世尊以此因緣集比丘僧知而故問迦留陀夷言汝實與偷蘭難陀比丘尼在門外共一處坐耶答言實尔尔時世尊以無數方便呵責迦留陀夷言汝所為非非威儀非沙門法非淨行非隨順行所不應為云何與偷蘭難陀比丘尼共在門外一處坐耶呵責迦留陀夷

三

七

已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘與比丘尼在屏處坐者波逸提比丘義如上一處者一是比丘一是比丘尼屏處者見屏處聞屏處見屏處者若塵若霧若烟雲若黑闇不見

也聞屏處者乃至不聞常語聲障者若樹若牆若籬若衣若復以餘物障若比丘獨在屏處與比丘尼坐者波逸提若盲而不聾聾而不育突吉羅立住者突吉羅比丘尼突吉羅式叉摩那沙弥沙弥尼突吉羅是謂為犯不犯者若比丘有伴若有智人有二不盲不聾

不聾不盲若行過卒倒地若病轉倒或為力勢所持若被繫閉若命難梵行難無犯無犯者最初未制戒癡狂心亂痛惱所纏二十尔時世尊在舍衛國祇樹給孤獨園尔時六群比丘與六群比丘尼在拘薩羅人間遊行諸居士見皆共嫌之沙門釋子無有慙愧不

修梵行外自稱言我修正法如是有何正法與比丘尼人間遊行若有所欲便下道諸比丘聞其中有少欲知足行頭陀樂學戒知慙愧者嫌責六群比丘言云何與六群比丘尼共人間遊行耶諸比丘往至世尊所頭面禮足在一面坐以此因緣具白世尊世尊以此

因緣集比丘僧呵責六群比丘言汝所為非
 非威儀非沙門法非淨行非隨順行所不應
 為云何六群比丘與六群比丘尼共在人間
 遊行耶世尊以無數方便呵責六群比丘已
 告諸比丘此癡人多種有漏處最初犯戒自
 今已去與比丘結戒集十句義乃至正法久
 住欲說戒者當如是說若比丘與比丘尼共
 行從一村乃至一村間者波逸提如是世尊
 與比丘結戒時諸比丘不先與比丘尼共期
 卒道路相遇畏慎不敢共行佛言若不期無
 犯自今已去應如是說戒若比丘與比丘尼
 共期同一道行乃至一村間波逸提如是世

註三

八

尊與比丘結戒亦時眾多比丘從舍衛國欲
 至毗舍離時眾多比丘尼亦從舍衛國欲至
 毗舍離諸比丘尼問比丘言大德欲何所至
 耶諸比丘報言我欲至毗舍離比丘尼言大
 德我亦欲往諸比丘報言大妹若欲往者當
 在前我等在後若我等在前大妹在後何以

故世尊制戒不得與比丘尼同道行諸比丘
 尼言大德是我等上尊應在前我等在後時
 諸比丘尼在後為賊所劫失衣鉢諸比丘以
 此事具白世尊世尊言自今已去若與估客
 行若疑畏怖無犯自今已去當如是說戒若
 比丘與比丘尼同期一道行從一村乃至一

村除異時波逸提異時者與估客行若疑畏
 怖時是謂異時比丘義如上期者言共去至
 某村某城某國土有疑處者疑有賊劫盜恐
 怖者有賊劫盜道者村間有分齊行處是若
 比丘與比丘尼期同一道行乃至村間分齊
 處隨眾多界多少一一波逸提非村若空處

行乃至十里波逸提若減一村若減十里突
 吉羅若多村間同一界行突吉羅方便欲去
 共期莊嚴一切突吉羅比丘尼突吉羅式叉
 摩那沙弥沙弥尼突吉羅是謂為犯不犯者
 不共期大伴行疑恐怖處若往彼得安隱若
 為力勢者所持若被繫若命難梵行難無犯

註三

九

無犯者最初未制戒癡狂心亂痛惱所纏七竟十
尔時佛在舍衛國祇樹給孤獨園尔時六群
比丘與六群比丘尼共乘船上水下水時諸
居士見皆共嫌之自相謂言沙門釋子不知
慙愧不修梵行外自稱言我修正法如是何
有正法與比丘尼共乘船上水下水若有所

欲時便住船岸邊隨意尔時諸比丘聞其中
有少欲知足行頭陀樂學戒知慙愧者嫌責
六群比丘云何與六群比丘尼共乘船上水
下水諸比丘往世尊所頭面禮足在一面坐
以此因緣具白世尊世尊以此因緣集比丘
僧呵責六群比丘汝所為非非威儀非沙門
法非淨行非隨順行所不應為云何與六群
比丘尼共乘船上水下水世尊呵責已告諸
比丘此癡人多種有漏處最初犯戒自今已
去與比丘結戒集十句義乃至正法久住欲
說戒者當如是說若比丘與比丘尼共乘船
上水下水者波逸提如是世尊與比丘結戒

尔時諸比丘不期而畏慎佛言不期無犯自
今已去當如是說戒若比丘與比丘尼共期
同一船上水下水者波逸提如是世尊與比
丘結戒尔時有衆多比丘欲渡恒水從此岸
至彼岸尔時衆多比丘尼亦欲渡恒水從此
岸至彼岸

諸比丘尼往問言大德欲何所至耶
比丘報言我等欲渡恒水比丘尼言可得共
伴渡不諸比丘報言諸妹在前我等在後若
不尔者諸妹在後我等在前何以故世尊制
戒不得與比丘尼同一船渡水是故不得比
丘尼白言大德是我等所尊則應在前我等
在後尔時夏月天大暴雨江水汎漲船到彼
岸未還之間日已暮諸比丘尼即在彼岸邊
宿夜遇惡賊劫奪尔時諸比丘往白佛佛言
直渡至彼岸者無犯自今已去當如是結戒
若比丘與比丘尼共期同乘一船上水下水
除直渡者波逸提比丘義如上共期亦如上

三

十

船者如上所說若比丘與比丘尼共期同一船上水下除直渡若入船裏波逸提若一脚在船上一脚在地若方便欲入而不入若共期莊嚴一切突吉羅比丘尼突吉羅式叉摩那沙弥沙弥尼突吉羅是謂為犯不犯者不共期若直渡彼岸若入船船師失濟上水下水若往彼岸得安隱或為力勢者所持或被繫或命難梵行難無犯無犯者最初未制戒癡狂心亂痛惱所纏二計

尔時世尊在舍衛國祇樹給孤獨園尔時舍衛城中有一居士請舍利弗目連與飯食彼即於夜辦具種種美食明日露地敷好坐具已白時到尔時偷蘭難陀比丘尼先是居士家比丘尼時偷蘭難陀明且著衣持鉢詣彼居士家見居士在露地敷眾多好坐具已即問居士言敷此眾多坐具欲請諸比丘耶答言欲請比丘尼即問言請何等比丘耶報言我請舍利弗目連比丘尼語言居士所請者

盡是下賤人若先語我者我當為居士請龍中之龍居士問言何者是龍中之龍比丘尼答言尊者提婆達三闍陀羅達騫馱羅達婆瞿婆離迦留羅提舍是言語之頃舍利弗目連已至此比丘尼見已語居士言龍中之龍已至居士即語比丘尼言汝向者言下賤人今

十一

云何言龍中之龍耶自今已去勿復來往我家尔時居士白舍利弗目連坐即就座而坐時居士出種種甘美飲食供養食已除去食器頭面禮足更取小牀在一面坐白言我欲得聞法時舍利弗目連為說種種微妙法勸令歡喜與說法已從座而去還至僧伽藍中

往世尊所頭面禮足在一面坐世尊知而故問舍利弗目連言汝等今日受請食為得充足不耶舍利弗目連白佛言食雖充足我於居士家亦是下賤亦是龍中之龍佛問言何故尔耶尔時舍利弗目連以此因緣具白世尊言是提婆達提婆達部黨比丘尼為作勸

化供養彼受飲食尔時世尊以此因緣集比丘僧知而故問提婆達部黨比丘言汝等實遣比丘尼往歎譽勸化檀越得食不對曰實尔世尊以無數方便呵責提婆達部黨比丘言汝所爲非非威儀非沙門法非淨行非隨順行所不應爲云何汝等遣比丘尼勸化檀

越受彼食耶呵責提婆達部黨比丘已告諸比丘言此癡人多種有漏處最初犯戒自今已去與比丘結戒集十句義乃至正法义住欲說戒者當如是說若比丘遣比丘尼勸化得食者波逸提如是世尊與比丘結戒尔時諸比丘不知有勸化無勸化後乃知或有作

波逸提載者或有疑者先不知無犯自今已去當如是說戒若比丘知比丘尼教化得食者波逸提如是世尊與比丘結戒尔時羅閱城中有大長者是黎師達親友知識彼作是言若大德黎師達來至羅閱城者我等當爲黎師達初至故供養衆僧長者家比丘尼聞

此語默然在懷於異時尊者黎師達來入羅閱城尔時比丘尼聞尊者黎師達來入城便往語長者言欲知不黎師達已來入羅閱城長者即遣信至僧伽藍中請之明日清旦願尊屈意并及衆僧受我食尔時長者即其夜辦具種種甘美飲食清旦往白時到尔時諸

睽三

十二

比丘著衣持鉢往詣長者家就座而坐時長者往詣黎師達所語言正爲尊者故飯食衆僧時黎師達問長者言云何知我來至此也長者報言家所供養比丘尼見語黎師達語長者言若實尔者我不應食此食長者報言我亦不從此比丘尼語設此食我先有誓願若黎師達來者我設飯食供養衆僧黎師達復語長者言雖有此語我亦不應食此食時黎師達即止不食尔時諸比丘具白世尊世尊告言若檀越先意者無犯自今已去當如是說戒若比丘知比丘尼讚歎教化因緣得食除檀越先有意者波逸提比丘義如上

教化者阿練若乞食人著糞掃衣作餘食法
 不食一坐食一搏食塚間露地坐樹下坐常
 坐隨坐持三衣讚偈多聞法師持律坐禪也
 食者從旦至中得食彼比丘知比丘尼教化
 得食食咽咽波逸提除此飯食已教化得餘
 觀體衣燈油塗脚油一切突吉羅知教化教
 化想波逸提教化疑突吉羅不教化教化想
 突吉羅不教化疑突吉羅比丘尼突吉羅式
 又摩那沙弥沙弥尼突吉羅是謂犯不犯者
 若不知若擅越先意若教化無教化想若比
 丘尼自作若擅越令比丘尼經營若不故教
 化而乞食與無犯無犯者最初未制戒癡狂

三

十三

心亂痛惱所纏九二竟十

尔時佛在舍衛國祇樹給孤獨園時毗舍離
 嫁女與舍衛國人後與姑共諍還詣本國尔
 時阿那律從舍衛國欲至毗舍離國時彼婦
 女問尊者阿那律言尊者欲至何處耶答言
 我欲至毗舍離婦女即言可見將去不答言

可尔尔時尊者阿那律便與此婦女同一道
 行尔時婦女夫主先行不在後日還家不見
 其婦即問母言我婦為所在耶其母報言與
 我鬪競便逃去不知所在尔時夫主速疾
 往逐之於道路得婦將詣阿那律所語言何
 故將我婦逃走耶時阿那律答言止止莫作
 此語我等不尔長者語言云何言不尔汝今
 現與同道行其婦語夫主言我與此尊者行
 如兄弟相逐無他過惡夫主報言此人今日
 將汝逃走豈可不作此言耶尔時其人即打
 阿那律幾斷命根尔時尊者阿那律即下道
 在一靜處結跏趺坐直身正意繫念在前入
 火光三昧時長者見已便生善心長者念言
 若此阿那律從三昧起者我當禮拜懺悔時
 尊者阿那律從三昧覺已長者即便懺悔唯
 願大德受我懺悔阿那律受其懺悔尔時長
 者禮足已在一面坐尔時阿那律為長者說
 種種微妙法令發歡喜心與說法已即從坐

起而去

尔時阿那律食已往到僧伽藍中以此因緣具向諸比丘說尔時諸比丘聞其中有少欲知足行頭陀樂學戒知慙愧者嫌責阿那律去何阿那律獨與婦女共一道行尔時諸比丘往世尊所頭面禮足在一面坐以此因緣

具白世尊世尊尔時即集比丘僧知而故問阿那律言汝實共婦女同一道行耶荅言實尔尔時世尊以無數方便呵責阿那律言汝所為非非威儀非沙門法非淨行非隨順行所不應為汝今云何與婦人共同一道行耶尔時世尊以無數方便呵責阿那律已告諸

睡三

西

比丘此阿那律多種有漏處最初犯戒自今已去與比丘結戒集十句義乃至正法久住欲說戒者當如是說若比丘與婦女同一道行乃至村間波逸提如是世尊與比丘結戒時諸比丘不共期道路相遇有畏慎不敢共行佛言不期不犯自今已去當如是說戒若

比丘與婦女共期同一道行乃至村間波逸提比丘義如上婦女者如上說共期者亦如上說道者亦如上說若比丘與婦女共期同一道行乃至村間隨眾多界分齊一一波逸提若無村若空寂處行十里波逸提若減一村減十里突吉羅若村裏一界共行者突吉

羅若方便欲行而不行若共期莊嚴而不去一切突吉羅比丘尼突吉羅式义摩那沙弥沙弥尼突吉羅是謂為犯不犯者先不共期事須往彼得安隱若為力勢所持若被繫閉若命難若梵行難無犯無犯者最初未制戒癡狂心亂痛惱所纏竟

三十一

尔時佛在舍衛國祇樹給孤獨園尔時拘薩羅國有無住處村有居士為比丘作住處常供給飲食若在此住者當聽一食尔時有六羣比丘欲往拘薩羅國無住處村至彼住處經一宿得美好飲食故復住第二宿復得美好飲食彼六羣比丘作如是念言我所以遊

睡三

十五

行者正為食耳今者已得彼於此住處數數食者時諸居士皆共譏嫌此沙門釋子無有馱足不知慙愧外自稱言我知正法如是有何正法於此住處數數受食正似我曹常為此沙門釋子供給飲食我本為周給一宿住者耳

亦時諸比丘聞已其中有少欲知足行頭陀樂學戒知慙愧者嫌責六羣比丘言云何六羣比丘於此住處數數受食亦時諸比丘往世尊所頭面禮足在一面坐以此因緣具白世尊世尊亦時以此因緣集比丘僧呵責六羣比丘汝所為非非威儀非沙門法非淨行非隨順行所不應為云何於此住處數數受食亦時世尊以無數方便呵責六羣比丘已告諸比丘言此六羣比丘癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘一處住食應受一食若過一食者波逸提如

是世尊與比丘結戒亦時舍利弗在拘薩羅國遊行詣此無住處村住一宿明日清旦得好食舍利弗於彼得病念言世尊制戒比丘一宿處應一食若過者波逸提即扶病而去病遂增動亦時比丘往白佛佛言自今已去聽病比丘過受食自今已去當如是說戒若施一食處無病比丘應一食若過受者波逸提比丘義如上住處者在中一宿食者乃至時食病者離彼村增劇者是若無病比丘於彼一宿處過受食咽咽波逸提除食已更受餘襯身衣燈油塗脚油盡突吉羅比丘尼波逸提式叉摩那沙弥沙弥尼突吉羅是謂為犯不犯者一宿受食病過受食若諸居士請大德住我當與食我等為沙門釋子故設此宿處供給飲食若不得沙門釋子亦當與餘人耳若檀越次第請食若兒若女若妹及兒婦次第請食無犯或今日受此人食或明日乃受彼人食或水瀑漲道路急難若有賊盜

虎狼師子或為力勢者所持或被繫閉或命
難梵行難過食者無犯無犯者最初未制戒
癡狂心亂痛惱所纏三一對

十六末

四分律藏卷第十三

睦三

賈客古音相遺醉反鍼針襞衣亦反縫逢牽

挽晚下音治熨上音若緣聲下分齊去聲並

騫馱下唐賀反之頃領下一搏團下音咽咽見於

反初觀幾斷上渠劇奇逆

磧沙延聖寺大藏經局伏承
檀越柳大使捨施中統鈔壹定助雕 大藏經文所生功德祝扶
檀越當生奉命皇官所與身 官康泰綠華增崇者
大德十年五月 日題

四分律藏卷第十四

睦四

姚秦三藏佛陀耶舍共竺佛念譯

四分律藏初分

尔時世尊在羅閱祇迦蘭陀竹園中世尊從
羅閱城出遊行人間與大比丘眾千二百五
十人俱尔時國界田殖不收米穀踊貴乞食

難得人皆飢色時有五百乞人隨逐世尊後
時有婆羅門名曰沙菟有五百乘車載滿飲
食經冬涉夏隨逐世尊後伺候空缺無食之
日便欲設供尔時世尊從摩竭國界漸漸教
化至阿那頻頭國界彼國人民競興供具飯
佛及比丘僧無有空日時婆羅門終日伺候

無有空缺不得設供即便往阿難所語阿難
言我沙菟有五百乘車載滿飲食經冬涉夏
隨逐世尊伺候空缺無食之日便欲設供然
我今者不得次供我等處俗多諸難故屬官
使役至於斷事之日當應往赴兼復料理家
業復供官財穀公私驅馳初無停息唯願尊
者為我白佛佛若有教我當奉行若佛及僧
不得次食者我當以此五百乘車飲食布在
道中令佛及僧脚躡而過者則為受我供養
已阿難報言且小住我正尔當為白佛時呵
難往世尊所頭面禮足已在一面立以此因
緣白世尊言沙菟婆羅門來至我所作是說